



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 32. Jacobi Acontii mors.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI
A.C. 1566.
*Calvin. ad-
vers. Valent.
Gentil. pag.
659. tract.
Theol.
Beza ep. 81.*

dithius, & Budzinius alias nullius tamen momenti literas dabant: Calvinus vero, & Beza Alciatum tanquam insanum catenis vincendum deridebant; horum quippe primus assererat, quod illa die, qua Italis de hæresi suspectis fidei forma subscribenda proponebatur, Alciatus tanquam insanus debacchari cœperit: alter vero addidit, quod homo sit capitis vertigine laborans, ac phreneticus, qui nonnisi cœco animi impetu abreptus ageret.

§. XXXII.

Jacobi Acontii mors.

*Grasserus
ep. ad Lector.
initio Stra-
tag. Sathan.*

Aliud Antitrinitariorum caput, Jacobus Acontius itidem hoc anno e vivis excessit. Hic erat Philosophus, Jurisconsultus, & Theologus, qui Tridenti natus relicta Italia, ubi aliquamdiu morabatur, in Angliam regnante Elisabetha Regina secessit, ut ibidem adulterinæ reformationi nomen daret; porro ibi excipiebatur ab eadem Regina cum singulari benevolentia testificatione, prout ipsemet ad initium libri sui sub titulo: *Stratagemata Sathanae* testatus est. Hic ipse liber a suo Auctore Reginae nuncupatus sæpius in varia idiomata translatus est, atque iterato prælo prodiit: ecquidem prima editio facta est Basileæ Anno Incarnationis Do-

Dominicæ millesimo quingentesimo sexagesimo quinto: Jacobus vero Grassus Anno reparatæ salutis millesimo sexcentesimo decimo alteram editionem adornabat, in qua quidem Acontii epistola *de ratione edendorum librorum* reperitur, ubi Author salutaria prorsus consilia illis suppeditat, qui libros edere moliantur, desideratur tamen ejusdem *de Methodo* tractatus, qui tanquam præclarum opus deprædicatur, quamvis Author hunc libellum nonnisi veluti rude operis delineamentum vulgarit: insuper scripsit Italo sermone quoddam opus de ratione urbes muniendi, quem librum ipse in Anglia commorans latine reddidit, typis tamen nunquam editus videtur: inchoaverat quoque Logices tractatum, cui tamen morte præventus ultimam manum admovere, haud dubie præpediebatur, dum eo tempore adhuc in Anglia hærebat.

Ceterum redarguitur Acontius, quod in suo tractatu de tribus in divinitate Personis nullam mentionem fecerit de *Omonoufion*, seu de Unitate substantiæ in tribus hisce Personis, nec etiam hujus vocis a Concilio Nicæno tantopere commendatæ hostes Paulum Samosatenum, Arium, Photinum, pluresque alios impugnaverit, nec eorum hæreses circa Christi Divinitatem ag-

Hist. Eccles. Tom. XLVIII. E gres-

Sæcul. XVI
A.C 1566.

Sæcul. XVI
A C. 1567.

gressus fuerit, sed unice in eos infur-
rexerit, qui Filium alium non esse, quam
Patrem affirmabant.

§. XXXIII.

Pii V. Bulla contra Baji errores.

Bajana tom.
2. op. Baji
p. 49. Et seq.

Postquam interim Romæ Baji Docto-
ris opera sedulo fuerant discussa,
Pius V. ad Sacræ Sedis honorem id con-
ferre existimans propositiones ex illius
libris decerptas proscripsit, & diploma se-
quens hanc in rem edidit die prima
Octobris Anno Domini millesimo quin-
gentesimo sexagesimo septimo: porro
hoc iudicium præcipue Cardinalis Gran-
vellanus, & Pater Montaltus supremus
Franciscanorum Minister recens electus
urgebant. Erat hæc Constitutio se-
quentibus concepta verbis: „Ex omni-
„bus afflictionibus, quas in hoc loco
„a Domino constituti tam luctuoso
„tempore sustinemus, ille animum no-
„strum præcipue excruciat dolor, quod
„Religio Christiana tantis jam pridem
„turbinationibus agitata, novis quotidie
„propositis opinionibus conflictetur,
„Christique populus antiqui hostis sug-
„gestionibus dissectus, in alios, atque
„alios errores passim, & promiscue de-
„feratur, quantum vero ad nos attinet,
„totis viribus conamur, ut illæ simul,
„atque profiliant, penitus oppriman-
„tur.